

東文選

一百二十六

内閣文庫	
番號	漢 17777
冊數	130 (126)
函號	圖 116 1





東文選卷之一百二十六

墓誌

有元奉議大夫征東行中書省左右司郎中
高麗國端誠佐理功臣三重大匡興安府院
君藝文館大提學知春秋館事謚文忠公樵
隱先生李公墓誌銘

并序

李穡

元興百餘年進士位宰相者甚鮮高麗士科一人
累官至大夫者惟樵隱先生與吾父子而已然位
皆止東省郎中車駕北狩七年而先生歿穡以病
莫能興者又六年矣穡之始病也甚劇先生過門

東文選卷一百一十五
悲泣久而後去數月而先生仙去穡至于今悲焉
先生長孫密直代言存性來曰先生與吾祖同持
文墨議論爲日甚久知吾祖者當世莫如公公宜
銘其墓穡曰然死生有命穡之死或先先生先生
歿而穡繼之則亦已矣穡之病幸少間而先生之
墓尚未銘予何庸辭先生姓李氏諱仁復字克禮
京山府人也曾祖諱長庚恭儉有威鄉人嚴憚之
雖仕于朝者凡於舉措皆相顧曰吾公聞之得無
不可於意否苟有過公必貽書切責之老而家居
聞府官喝道聲必下床伏于地俟其聲不聞然後

復坐有子四人曰百年某官曰千年某官生遼陽
省叅知政事諱承慶以孫貴贈某官曰萬年某官
季曰兆年先生之祖也官至政堂文學謚文烈先
生清燕言必稱曾大父戶長公又嘗曰吾大父疾
惡如讎赴人急如水趨下吾終身慕焉而未能也
文烈年未冠神彩秀發草溪鄭允宜使其府一見
知其異人以其子妻之未幾擢第補官名日益重
事忠惠王以嚴見憚每公入王聞履聲曰李某來
矣屏去左右整容以竢已卯之變文烈從至京師
請李益齋代作書將白于丞相府會丞相敗書不

果上然聞者莫不悚然且曰膽大於身李公是已
既還國錄功當得樞密王曰李其老矣其志可嘉
迺授政堂文學一日王彈雀于東岡公直入前奏
曰殿下已忘明夷之時乎狎群小玩細娛非所以
奉宗廟也言甚剴切王大怒不敢發以溫言謝遣
之公既歸第嘆曰王年方強而肆於欲吾既老矣
而又無助不去必及於禍且數諫而不納責有所
歸今兆年既不能順其美適足以增其惡非臣之
所以愛主也不如去之明日匹馬還鄉終身不出
先生之考曰褒醇厚長者位省宰循循蹈禮有五

子長則先生次今侍中公名仁任次某以病不仕
次某次某皆位樞密先生友愛天至衆第事先生
謹甚當世歆之先生生而狀兒魁偉稍長知讀書
舉止如老成文烈公每撫背曰大吾門者汝伯仲
乎仲侍中公也泰定丙寅先生年十九判書辛歲
監試吉昌君權公準密直朴公遠知貢舉先生一
舉連中之明年三月調福州司錄歲己巳校勘典
校明年又遷典儀直長先生以為文章非精研博
攻無以致其極故當操筆點綴極苦至其得意出
以示人則辭嚴義奧卓冠一世敘事賦物往往舍

譏諷至元戊寅史翰相謂曰李直長文學高古盍
薦之於是授藝文修撰歲己卯陞春秋供奉歲庚
辰移僉議注書至正辛巳春陞承奉郎監察糾正
五月拜左正言知製教俄陞通直郎典儀寺丞知
製教秋中征東鄉試第二各冬移起居舍人歲壬
午會試京師中選授將仕郎大寧路錦州判官其
在都也遷右獻納歲癸未再遷起居郎起居注歲
甲申明陵即位徵禮儒臣且曰李某擢弟天朝今
已三年而不超擢豈予崇文意哉於是三遷典理
摠郎司僕正左司議大夫皆具館職知製教春秋

館編修官明年正月王曰予之待李某猶未至也
以本官授密直司右副代言其冬以奉翊大夫判
書軍簿又明年移典理冬十月明陵曰李某今可
大用進拜密直提學且命先生進講書筵先生貌
嚴詞氣簡重明陵每謂左右曰吾見李公不覺竦
然是歲先君稼亭公建言修忠烈忠宣忠肅三王
實錄益齋李侍中謹齋安贊成分年秉筆公亦與
焉明年春進密直副使秋進知司冬又進左使歲
己丑授征東行省都事罷本國任歲辛卯玄陵即
位歲壬辰秋趙日新聚群不逞用夜半殺皇后兄

奇轅入王宮又殺宿衛近臣自為政丞號今內外
朝臣洵懼噤無一言上密召先生曰事已至此何
為則可先生曰人臣敢倡亂固有常刑况今天朝
堂堂法令彰明如其猶豫臣恐累及於上上遂決
意誅日新事定命先生撰書以聞上素重公將大
用及是對益重之歲癸巳復入密直判司宰寺事
秋進拜匡靖大夫政堂文學進賢館大提學知春
秋館事上護軍明年兼監察大夫歲乙未春先生
辭政府封星山君秋復政堂冬授征東省負外郎
又兼監察大夫歲丙申官制行拜金紫大夫依前

政堂文學實文閣大學士同修國史判翰林院事
又兼御史大夫朝廷赦使回當進表謝恩難其使
上曰今宰相知大體守節義無如李某迺以使事
命之先生不少辭使還稱旨歲丁酉監修國史知
貢舉取令政堂文學廉興邦等三十三人時稱得
士歲己亥改尚書左僕射兼御史大夫先生嘗謂
穡曰予猥以不才攝行臺事者至于再三未嘗振
舉紀綱自念瑣碎不足煩上聽大事又在廟堂不
可中撓於是乎無一事可言矣然先生入臺百官
肅然先生之謙退皆此類也歲庚子拜叅知中書

政事歲辛丑丁外艱其冬沙賊入界國家南徙且
避其鋒先生與今侍中公迎拜行宮于慈州上喜
甚命從行明年二月我軍大集克復京城大兵之
後庶事當有措置上以先生判開城府事俄拜僉
議評理冬進重大匡三司左使癸卯春拜都僉議
贊成事夏進右文館大提學監春秋館事賜功臣
號曰端誠佐理歲甲辰封興安君判藝文春秋館
事其冬進三重大匡都僉議贊成事判版圖司事
字刺帖木兒引兵入朝黜丞相代其位入奏實難
其人上又曰非李某不可先生入見丞相辭簡貌

重丞相屢目之先生退謂從者曰就之不見所畏
其斯人乎上薦幕屬于天子又以先生長左右司
遂進階奉議大夫歲乙巳封興安府院君俄拜判
三司事閏十月稽與先生同在貢院先生封君之
命又下取今典校寺丞尹紹宗等十八人歲己酉
先生知貢舉稽為副焉取今左獻納柳伯濡等三
十三人歲庚戌拜檢校侍中歲辛亥拜藝文館大
提學知春秋館事階爵仍舊歲甲寅先生年六十
七矣三月疽發背先生自度不起具衣服北面誓
願若辭違之狀謂侍中公曰宰臣歿官庀葬事國

家厚恩也顧吾平日未有絲毫補死且有愧公爲
我辭焉言訖命加元服於身肅然而逝上聞之悼
甚素膳徹朝遣使致祭謚曰文忠卒之三日葬于
城南栗村之原先生治命也明年配享忠定王廟
曾祖贈某官祖具銜謚文烈玄陵卅一年論功贈
星山侯配食忠惠王廟考具銜謚敬元曾祖母某
氏贈某郡夫人祖母鄭氏封某郡夫人母薛氏成
均大司成諱文遇之女封某郡夫人先生凡三娶
生子二人判事姜居正之女生一男曰向郎將姜
氏歿繼室李氏某官某之女生一男曰容官至奉

常大夫典法摠郎皆先歿又娶河氏某官某之女
無子孫一人郎將生代言曾孫女二人代言先娶
某官尹某之女生女而歿今娶判開城府事李公
成林之女穉旣從先生後嘗見先生聞人善雖小
必喜一事失當必怒而皆形于色然不發之口人
皆謂先生口矻嘗語穉曰吾性褊急恐失於言以
認爲守迄今老矣不覺心動此吾養之未至耳嗚
呼先生學問之密操守之篤尚能變化氣質則其
行事之審宜其不可及也是爲銘銘曰
星山之英入貢天庭流光東海有爛文星有行斯

慎有言斯認惟古之才惟今之雋惟時之艱惟使
之難公躬雖瘁公必出關誅親拒命悉于王政萬
目矚矚公不少病公歸自西有馬之斯室家相慶
我公歸兮惟是我國如骨而肉匪我公歸予寒誰
燠人言我公文章之宗國而忘家專對是工烈烈
行實升配大室迪后降祥子孫其吉粟村之陽星
山之岡魂無不之祖孫相望嗚呼興安末世不忘

高麗國大匡完山君謚文真崔公墓誌銘并序
完山之崔氏譜可考者曰純爵官至檢校神虎衛
上將軍生崇中郎將中郎將生南敷官至通議大

夫左右衛大將軍知工部事工部生諱佺左右衛
保勝郎將郎將生諱正臣左右衛中郎將中郎將
生諱得枰通憲大夫選部典書上護軍致仕廉正
自守人敬憚之歷事忠烈忠宣忠肅三王而忠宣
尤器重之忠宣雖內禪而國政必與聞故士大夫
之升黜多出於忠宣選部在臺綱紀立在刑部刑
罰清出守金海尚州民懷其惠再按全羅民畏其
風其量田也副蔡宰相洪拈分理全羅州縣之田
不廢法不擾民享年七十五選部娶奉翊大夫知
密直司事監察大夫文翰學士承旨世子元賓郭

公諱預之女以大德癸卯四月癸酉生公公名宰
字宰之至治元年補東大悲院錄事泰定甲子入
內侍四年授散員明年轉別將天歷庚午順興君
安公文凱深岳君李公湛同掌試公中之六年然
後改丹陽府注簿又四年始授中部令階承奉郎
未幾知瑞州事以母憂不赴蓋欲終制也明年忠
肅王沙汰冗官有薦公者王曰吾固知其父風憲
無以易此人矣即授監察持平不獲已就職玄陵
即位迺視其職及高氏之亂作凡王所設置悉皆
更革立都監以公爲判官公甚不樂稱疾不出相

府頗督之且脅之公徐出謂其判事宰相曰王固
失德矣然爲臣而敷君之不美於公安乎王之惡
非出於王左右逢之耳逢之於前敷之於後吾實
恥之其宰相默不敢言明陵即位初政授典法正
郎其年冬出知興州凡可以便民者靡不舉行田
籍久且爛公修之仍藏舊本相質聞者歎服印政
丞嘗國素忌公故替之歲丁亥政丞王公煦金公
求擢奉聖旨整理田民詞訟舉公爲判官且馳驛
召之公至則二公又曰長興府今號難治非崔某
不可又出之公將之任二公又曰崔某前爲持平

有威望盍留之再任適外氏郭公迎後爲大夫法
當避遷典法正郎歲戊子按察慶尚道一年再遷
典客副令資贍司使公兼理支應內用事羨餘盡
歸之民前弊絕矣歲己丑出知襄州有使者降香
凌辱存撫使公曰非禮也將及我矣棄官而歸執
政者喜白授監察掌令臺綱復振矣一年而罷歲
辛卯玄陵即位選臺臣復掌令明年移開城少尹
辭歸清州日新之難作歲甲午以典法摠郎召未
幾移版圖其秋出使福州牧察民情守條約去之
日人如失怙恃其所施設至今遵之乙未秋以中

顯大夫監察執義直寶文閣召至選軍以田其法
舊矣命公爲其都監使一人受田有子孫子孫傳
之無則他人代受有罪當收其田則人人皆欲得
於是雜然矣公曰是爭民施奪也可乎於是與其
當得者一人而止訟稍簡矣歲丙甲拜大中大夫
尚書右丞歲丁酉進正議大夫判大府寺事蓋公
年五十五而志不少衰益勤於職旬月間府庫實
矣玄陵曰判大府盡其職者崔某而已歲己亥出
爲公州牧如在福日歲辛丑又出爲尚州牧其冬
國家避兵南徙明年春幸尚州公盡力供辦惟恐

一毫或傷於民故求之不得者稍短之三月以奉
翊大夫典法判書分司本京公辭違玄陵引見溫
言慰諭歲甲辰拜監察大夫進賢館提學同知春
秋館事其冬封重大匡完山君明年移典理判書
又明年移開城尹歲己酉官制行改榮祿大夫歲
辛亥安東關守臣玄陵曰安東守我已得人矣於
是批下遣衛士督公行慮公辭不就也甲寅春以
老乞歸鄉秋九月玄陵薨公會哭盡哀今上拜公
密直副使商議公固辭請還鄉封完山君階大匡
明年春命駕往見江陵崔密直安詔而歸蓋永訣

也秋九月有微疾語諸子曰吾嘗夢異人謂我
至午死今戊午年也而又如此吾必不起也十月
己巳卒享年七十六十二月壬寅葬于居第之東
坎麓理命也嗚呼公可謂達人矣公再娶靈山郡
夫人辛氏奉翊大夫判密直司事藝文館提學致
仕諱蕝之女也務安郡夫人朴氏軍簿正郎諱允
鏐之女也辛氏生二男長思羨奉翊大夫禮儀判
書次德成及弟中正大夫三司左尹朴氏生子三
人男曰有慶中正大夫宗簿令知典法司事女適
誠勤翊戴功臣匡靖大夫門下評理上護軍禹仁

烈次適宣德郎繕工寺丞趙寧孫男女若干人判
書生子五人長恕護軍今爲全羅道按廉使次愿
中郎將次慈別將女適禮儀摠郎宋仁壽次幼左
尹生子四人男曰復昌別將次曰世昌別將次仕
昌未仕女幼宗簿生子三人士威郎將餘皆幼評
理生子三人男曰良善英明殿直女皆幼寺丞生
女一人幼左尹吾友也調徇使酒居官所至有名
來請銘銘曰

惟公之直惟公之清惟公之德惟公之名惟名惟
德惟世之則胡不大用正我王國旣相我王周旋

廟堂年七十六尚爾康強公退則決允矣明哲嗚
呼崔公世歆其風

韓文敬公墓誌銘 并序

予年十六七喜從詩僧游至妙蓮寺儒釋雜坐啜
茶聯句文敬公年才十二三每有的對衆皆驚歎
雖老於文墨者推讓不敢齒予固心異之歲丁亥
吾先君知貢舉文敬果中高第時年十五歲也落
第者服其才皆曰韓生非邀倖也先是以門蔭再
爲真殿直別將以故不求仕討論墳典從益齋先
生讀左傳史漢作字真草皆入妙聰陵襲位補德

寧府注簿召置政房爲秘閣赤歲辛卯遜于江都
公從之居玄陵召還不即用歲癸巳始授典儀注
簿又爲祕閣赤明年遷典理佐郎知製教又明年
再加通直郎成均直講奉善大夫成均司藝皆帶
藝文應教歲丙申改官制爲中散大夫祕書少監
知製誥明年遷兵部侍郎翰林待製秋陞直學士
又明年進中大夫國子祭酒知製誥歲辛丑國家
避沙賊于安東再轉典儀典校二令皆中正明年
秋還京加奉順大夫判司僕寺事右文館直提學
冬拜密直司左副代言寶文閣直提學知工部事

蓋用公知銓選也明年進右副代言又進左代言
歲乙巳春辛旽得幸於上其跡甚祕公知之密告
曰旽非正人也恐致亂願上思之非臣誰敢言上
方愛倖旽夏判書禮儀秋進軍簿蓋踈之也冬十
月丁父憂終三年制上以前言猶不用歲辛亥秋
旽敗上曰韓某有先見之明可急召來乃授榮祿
大夫理部尚書修文殿學士居數日上念銓選重
事也非聰敏精密不足以授其柄吾思唯韓某其
人也於是正議大夫拜右承宣冬進左承宣知
銓選歲乙卯夏進拜密直提學同知書筵秋陞簽

書明年正月改副使俄進同知夏五月同知貢舉
取今判書鄭摠等三十三人時稱得士秋進知司
歲戊午封上黨君階大匡館職改進賢錫輸忠贊
化功臣之號己未冬以書光巖碑功復簽書明年
春封清城君階重大匡歲壬戌扈從南京明年秋
錄功拜匡靖大夫判厚德府事右文館大提學知
春秋館事上護軍功臣號如故歲甲子二月廿八
日以病卒于第國人皆嘆悼曰斯人也年才五十
二而亡天道奚爲至此也卜日葬于臨津縣瑞谷
南麓先塋禮也韓氏上黨大家曰闌三韓功臣也

曰謝奇僉議府右司議大夫寶文閣提學知製教
於公爲曾祖曰渥宣力佐理功臣壁上三韓三重
大匡上黨府院君謚思肅佐忠肅王位冢宰功在
社稷於公爲祖思肅生子五人皆爲明宰相其諱
公義者由密直封重大匡清城君謚平簡娶密直
司左代言兼監察執義慶公諱斯萬之女於公爲
考妣公娶檢校門下侍中吉昌府院君權公諱適
之女生四男六女長尚桓前三司右尹次尚質西
北面都觀察黜陟使兼平壤尹次尚敬工曹摠郎
知製教兼尚瑞少尹次尚德宗簿寺丞孫男女若

千人右尹娶門下評理尹承順之女生二女幼黜
陟娶門下侍中李成林之女生一女適前宗簿寺
丞姜策再娶知清風郡事宋臣義之女生女幼揔
郎娶前版圖判書吳俊良之女生一女幼寺丞娶
前代言李貴生之女女長適三司右尹安景儉生
五女一男次適成均直講李作生二男一女皆幼
次適大護軍權邦緯次適前護軍任中善生四男
次適懿德府丞朴登次適中郎將田甫長聰敏好
讀書以病廢業黜陟庚申科第三名揔郎壬戌科
第三名季寺丞乙丑年科第九名以國制三子登

科廩其母終身今權氏夫人享其榮養公之含笑
地下可知已公之仙去今已九年矣而聲音容貌
在吾心目何日而忘之耶黜陟公與昆季謀銘幽
堂日遠而志愈懃來請銘嗚呼吾以文敬之請嘗
銘其考平簡公矣今又銘文敬其亦可悲也已銘
曰

玉壺置冰惟公之清塵匣開鏡惟公之明長子紉
綺無華靡事游於詩書絕絲毫利孝友忠信廉靜
寬和宜至眉壽天奪柰何惟其多子有才有美公
名之傳如在于世我銘父子心胡不傷庶其垂裕

子孫其昌

重大匡靖城君韓謚平簡公墓誌銘

并序

上之十四年平簡公始拜密直副使其冬將賀來
歲正京師宰臣入對今丞相鎧甲殿庭號今天下
朝覲會同非他日比臣等實難其使謹昧死請即
日有旨非韓某不可召公入面諭曰丁酉之賀聖
節也去無難也來無變言予惟汝嘉迄今不忘汝
往敬哉公再拜謝臣不肖備位樞府無他材能以
效萬一敢使事之避使還果稱旨未幾封君就第
猶冀其起之不乂也嗚呼遽至於斯乎公姓韓氏

世爲清州人遠祖蘭有功國初號三韓功臣其後
最盛者曰康在元王時掌試成均相忠烈王兩知
貢舉中贊致仕謚文惠文惠生諫議大夫謝奇諫
議生上黨府院君渥謚思肅嘗以奇謀脫忠肅王
明夷之中相求陵再爲冢宰配食大廟思肅娶同
知密直典理判書元卿之女生子五人大淳卒官
知都僉議司事仲禮方信皆政堂文學公於次爲
第二兄友第恭時人慕之學淳圖法者曰覺星亦
曹溪韻釋也公諱公義字宜之享年五十九初以
門蔭錄南部事蚤爲求陵所知超授護軍累轉大

東文選一百二十六 十五

護軍三司右尹安恬忤時輩出牧全州有惠政明
陵時歷小府衛尉繕工三判事聰陵擢代言遜位
之日奏食白馬山下私謂人曰君臣須有終始今
上以為忠父欲試其能官制行拜散騎常侍未久
改戶部尚書再歲遷刑部訟田訟不法群口迭咻
隨事裁遣人無怨言其在朝堂吏抱成案請署遇
不可反覆以示其意然後署蓋非偶然者夫人慶
氏右代言斯萬之女贊成事鄭璿之外孫為婦為
母以順以則男三人曰脩好古而文由及弟歷館
職今為軍簿判書次理亦及弟有名開城判官次

齊別將學舉業女三人皆先沒宗簿令金士謙三
司右尹李彰路軍簿判書廉興邦其婿也孫男四
人祐復別將次善復餘幼女五人外孫男金禍權
務女二人將以十一月甲申葬臨津縣瑞谷南麓
脩與邦來乞銘公之子婿予友也銘友之父何忍
辭諸公慈祥勤儉動循禮法蘊而不發經濟之具
一日不獲專乎國政天也雖然身無擇行教子有
成歿得美謚是足以傳諸其後矣亦可以無憾也
夫銘曰
文惠之孫思肅之子振振弟兄克世其美公事聰

東坡文選卷一百二十六

東坡文選卷一百二十六

陵既有終始不問其忠其能可使再覲天庭還必
稱旨衆曰時哉公則退矣維時魏魏莫或尚此而
止於斯孰徵其理我庸詩之以訊來世

雞林府院君諡文忠李公墓誌銘

至正二十七年歲在丁未秋七月 推誠亮節同
德協義贊化功臣壁上三韓三重大匡鷄林府院
君領藝文春秋館事益齋先生李公以病卒于第
年八十一大常諡文忠公十月 有司具儀衛葬
于牛峯縣桃李村先塋丙辰冬十月 配享玄陵
廟庭公諱齊賢字仲思父姓李氏新羅始祖奕居

世有佐命大臣曰李謁平其後蘇判居明生兵部
令金現兵部生三韓功臣大守金書新羅王金溥
既納土入朝尚太祖女樂浪公主生女以妻金書
生潤弘潤弘生承訓承訓生周復周復生偁偁生
後連後連生寵暹寵暹生春貞春貞生玄福玄福
生宣用宣用生升尚升高生文林郎尚衣直長同
正諱得堅尚衣生贈左僕射諱翮僕射生檢校政
丞諡文定諱瑱娶戴陵直朴仁育之女辰韓國大
夫人以至元丁亥十二月庚辰生公公自幼嶷然
如成人既知爲文已有作者氣大德辛丑公年十

五鄭常侍僖試成均舉者負其能相頡頏聞公所
作消縮莫敢爭先公果爲魁是歲菊齋權公溥悅
軒趙公簡試禮闈公又中丙科權公以其子妻之
公曰此小技耳不足以大畜吾德討論墳典淹貫
精研折衷以至當文定公大喜曰天其或者益大
吾門乎癸卯權務奉先庫判官延慶宮錄事戊申
選入藝文春秋館館中人推讓不敢論文其以遷
齊安府直講己酉擢司憲糾正庚戌遷選部散郎
辛亥再轉典校寺丞三司判官所居稱職皇慶壬
子選爲西海道按廉使有古持斧風陞成均樂正

冬提舉豐儲倉事癸丑副今內府豐儲監斗斛內
府校鎰銖尺寸公爲之無難色人曰李公可謂不
器君子矣忠宣王佐仁宗定內難迎立武宗故於
兩朝寵遇無對遂請傳國于忠肅以太尉留京師
邸構萬卷堂考究以自娛因曰京師文學之士皆
天下之選吾府中未有其人是吾羞也召至都實
延祐甲寅正月也姚牧菴闔子靜元復初趙子昂
咸游王門公周旋其間學益進諸公稱歎不置乙
卯遷選部議郎秋拜成均祭酒仍兼議郎丙辰奉
使西蜀所至題詠膾炙人口是歲判典校寺事丁

已拜選部典書己未王降香江南樓臺風物遇興
遺懷每從容曰此閒不可無李生也庚申知密直
司事賜端誠翊贊功臣之號知貢舉時稱得士公
年蓋三十四文定辰韓外舅姑三座主皆無恙公
舉觴稱壽一世歆之是年奏授高麗王府斷事官
至治壬戌冬還京師未至忠宣王被譖出西蕃明
年公往謁謳吟道中忠憤藹然泰定甲子加匡靖
大夫密直司事乙丑改賜功臣號曰推誠亮節再
轉僉議評理政堂文學丙寅移三司使天曆庚午
忠惠王權國復為政堂文學未幾罷後至元丙子

以三重大匡封金海君領藝文館事己卯春二月
忠肅王薨其秋政丞曹頤賚百官屯兵永安宮宣
言逐去君側惡小而陰為潘王地忠惠王率精騎
擊殺之而其黨之在都者甚衆必欲抵王罪人心
疑危禍且不測公憤不顧曰吾知吾君之子而已
從之如京師代舌以筆事得辨折功在一等既還
群小益煽公屏迹不出著櫟翁稗說至正甲申冬
忠穆王即位進府院君領孝思觀事書筵以公為
師丙戌修忠烈王實錄戊子判三司事辛卯冬玄
陵即位未至國拜公右政丞權署征東省事數月

國空虛公措置得宜人賴以安壬辰賜推誠亮節
同德協義贊化功臣之號元從功臣趙日新忌公
居其上公知之三上表固辭其冬十月日新聚群
不逞夜入宮害丙忌縱兵誅殺公以辭位得免日
新伏誅起公爲右政丞癸巳正月辭五月以府院
君知貢舉甲午十二月復爲右政丞明年又辭公
年七十封金海侯十二月爲門下侍中丁酉五月
乞以本職致仕從之國制封君致仕頒祿有差既
老而猶受厚祿於義不安故有是請朝論以爲本
職致仕非所以敬大臣也壬寅復封鷄林府院君

公自十五登科名蓋一世立朝以來專奉文書歷
外制於藝文春秋館由屬官至兩府封君未嘗去
職唯忠定三年不與焉以公嘗奉表請立玄陵故
也公天資厚重輔以學問高明正大故其發於議
論措諸事業者燁然可觀也初公讀史筆削大義
必法春秋至則天紀曰那將周餘分續我唐日月
後得朱子綱目自驗其識之正人有片善稱舉惟
恐不聞先輩遺事雖細以爲難及平生未嘗疾言
遽色有及於穢語對客置酒商確古今疊疊不倦
崔拙翁歎曰士別三日刮目相待吾於益齋見之

矣公務遵舊法不喜更張嘗曰吾志豈不如古人
但吾才不及今人耳公之孫連姻竒氏公忌其盛
滿及其拜平章玄陵勅兩制賦詩以賀且命公敘
其事公辭不爲自號益齋辛旽之敗玄陵曰益齋
先見之明不可及也嘗言旽非端人今果驗公自
少儕輩不敢斥名必稱益齋及爲宰相人無貴賤
皆稱益齋其見重於世如此公所著文集若干卷
行于世公凡三娶吉昌國夫人權氏生二男三女
長男曰瑞種奉常大夫宗簿副今次曰達尊奉常
大夫典理摠郎寶文閣直提學知製教長女適正

順大夫判司僕寺事任德壽次適中正大夫典農
正李係孫次適銀青光祿大夫簽書樞密院事翰
林院大學士金希祖封義和宅主壽春國夫人朴
氏宣授西京等處萬戶府副萬戶中顯大夫司僕
正諱居實之女生一男三女男曰彰路奉翊大夫
開城尹長女適正順大夫判典農寺事朴東生次
適奉順大夫判典校寺事宋懋次惠妃今爲尼瑞
原郡夫人徐氏通直郎知瑞州事諱仲麟之女生
二女長適中正大夫三司右尹金南雨次適奉善
大夫典醫副正李有芳側室生二女長適中郎將

林富陽次幼宗簿娶密直使兼監察大夫洪侑之
女生一男二女男曰寶林匡靖大夫政堂文學商
議會議都監事進賢館大提學上護軍長女適通
憲大夫判衛尉寺事趙茂次適中顯大夫順興府
使李元楠又娶檢校中郎將金松柱之女生一男
曰乃猷曹溪宗廣度寺住持摠郎娶上黨君白顛
正之女生三男一女長曰德林朝奉郎驪興郡事
次曰壽林奉翊大夫同知密直司事仕元朝爲翰
林學士資善大夫以故贈公大常卿具勲階爵次
曰學林中顯大夫小府尹女適奉翊大夫開城尹

光祿大夫同知樞密院事奇仁傑開城娶重大匡
清城君謚平簡諱公義之女韓氏生一女適春秋
檢閱元序繼室正順大夫判典客寺事金昂之女
生二男一女長曰蟠剛定都監判官次曰袞慶仙
店錄事女幼司僕生二男四女長男曰純義奉善
大夫軍器少尹次曰純禮中郎將長女適通直郎
起居郎知製教申渾次適中正大夫親禦軍大護
軍朴永忠次適奉善大夫小府尹黃保次適中郎
將金鍾典農正生二男一女長曰隲郎將次曰亮
中郎將女適通憲大夫判繕工寺事安翊判典農

生三男一女長曰經奉善大夫軍器少尹次緯別
將次殊文別將女幼典校生一男幼左尹生二男
長曰上佐次曰廣大女皆幼曾孫男女若干人趙
衛尉生二男二女長曰從善中郎將次遷善權務
女皆幼李順興生一男二女男曰有喜崇恩殿直
女皆幼驪興生二男二女長男曰伸承奉郎供造
署令次曰密長女適正順大夫判衛尉寺事李承
源次適宣德郎通禮門祗候郭游禮密直生二男
二女長曰崇義次崇道典密錄事女皆幼小府生
一男二女男幼長女適司憲持平金萬具次幼奇

開城生一男曰慎純義生一女幼純禮生一男曰
滋一女幼申渾生一男二女男曰浩大殿指諭中
郎將長女適郎將黃允奇次幼大護軍生三男三
女長曰龍壽別將餘皆幼黃小府生一男二女男
曰藥奴餘皆幼隲生一男一女男曰孝奴女幼亮
生三男一女長曰伯恭次伯謙餘幼銘曰
天地儲精公迺挺生奎壁耀芒公迺發揚名溢域
中身居海東道德之首文章之宗北斗泰山昌黎
之韓光風霽月春陵茂叔四秉國鈞年踰八旬麟
鳳其瑞著龜其神功在社稷澤流生民闕宮升配

哀榮無對惟爾子孫忠孝是遵勿謂無知公在九原

彥陽郡夫人金氏墓誌銘并序

夫人姓金氏彥陽郡人高祖諱就礪大師門下侍郎謚威烈曾祖諱佺太傅門下侍郎謚翊戴祖諱聃都僉議叅理謚文慎父諱倫翰誠守義協贊輔理功臣壁上三韓三重大匡彥陽府院君謚貞烈母卞韓國大夫人崔氏大儒中書令文憲公諱冲十三世孫副知密直司事諱瑞之女也年十三歸閔氏盡婦職性嚴教子弟必以禮宗族至今稱之

生一女適判軍器寺事金昂新羅王諱傳十八世孫也金氏子男曰齊閔曰齊顏曰九德女適密直副使金士安前開城尹李彰路前宗簿令崔有慶前郎將許顯前典客副令許誼郎將兼博士李存斯門下注書金瞻次未適齊閔改九容遣其子興威衛錄事明善以狀徵銘且曰吾外祖及菴公性真率不立崖岸日以詩酒自適不問家人生產而惟夫人之是聽夫人議酒食以娛外祖之心亦惟日不足也教女孫必曰事夫之禮自始至老唯守一敬而已至於衣食必精必潔惟其時可矣故當

時語曰閔公之放曠夫人理於內故也彥陽伯敬直雖長於夫人亦憚夫人不敢少慢發書密直希祖與諸弟皆母事之歲己亥及菴公既歿喪甫畢避辛丑紅賊于嶺南還居驪興嘗自嘆曰吾孫齊顏不得其死吾何顏復入京邑乎其剛烈有父風云歲甲寅秋九月十九日以病卒年七十三歲也以其年十二月十五日葬于郡南鉢山之西及菴之葬予嘗以詩相其挽夫人之墓銘其可辭曰然

銘曰
驪江之西鉢山之陽及菴之墓金氏攸藏威烈之

風振于貞烈閨門肅然有文有節惟爾子孫惟心之存無墜婦則以慰九原

重大匡玄福君權公墓誌銘

并序

權氏始於金幸新羅大姓也守福州太祖既正位攻新羅行至福幸能知天命所歸舉邑以降太祖喜曰幸也可謂有權矣因賜姓曰權後世多聞人文清公諱坦有重望僉議贊成事菊齋先生諱溥位冢宰文章道德冠一時松齋先生諱準封吉昌府院君置僚佐謙恭守節義善居室一國傾向三世知貢舉門生多達官是以歆富貴慕禮法者皆

歸權氏毅陵納公之女曰壽妃永陵納公之姊之
女洪氏曰和妃重權氏故也公雖以門蔭致身華
顯心甚不樂惟重節義世以此多之公諱廉字士
廉松齋娶密直使吳公諱仁永之女以大德壬寅
冬十月己巳生公年十歲補舍慶殿錄事延祐甲
寅遷別將明年選充寶馬陪行首未幾進郎將歲
丁巳如燕京戊午拜三司副使階奉常大夫夏東
還至治癸亥又如京進奉帝所泰定甲子加中正
大夫司僕正明年奏授宣武將軍合浦鎮邊萬戶
府萬戶蓋世職也又明年改鷹揚軍大護軍又明

年爲選軍別監授田有法人便之天曆戊辰如京
師至順庚午東還拜正順大夫左常侍後至元乙
亥封玄福君以公雅量不樂治公務故也歲丁丑
作樓于崇教里蓮池之傍額曰雲錦益齋侍中爲
之記每花開設盛饌邀大賓上尊公壽子姓咸集
時人歆慕之歲戊寅春三月毅陵曰玄福君可與
議政事於是批公匡靖大夫僉議贊成事時燕南
梁載得幸於上公鄙其爲人不與交禮載深銜之
力沮其命明年再封玄福君一年而公以病卒于
家歲庚辰四月初七日也正獻公王煦公之叔父

也泣涕而言曰權氏子弟莫賢於萬戶吾嘗望其
庇宗族焉天何奪吾賢子弟如此之亟乎正獻公
不阿所好且有鑒識公之賢可知也公生長膏梁
而卻美飾慶弔必親送人之葬不問宗族朋友玄
冠素服戚見顏色觀者服其誠皆自以爲不及平
生善交人遇其患難盡力救解事已乃已雖好燕
飲不喜聲妓又工射御田不詭遇而獲甚多武夫
皆稱能也其所不樂者爵祿也獲乎親獲乎朋友
其大欲也公所事而友之者如益齋李侍中淮安
莊順公陽坡洪侍中安常軒安謹齋洪唐城金彥

陽閔及菴崔拙翁李評理權裴僕射天慶皆一時
豪傑文章政事馳騁射御人至今宗之公游其閒
習慣如自然而又招故侍中金公逸逢習蒙古語
多通之其才之美有足多者而天不與之壽何歟
公之亡也祖父母父母皆無恙祖父母父母之心
爲如何而公之將絕也念及祖父母父母其爲心
又如何也嗚呼悲哉夫人趙氏都會議贊成事謚
忠肅諱璉之女妙年而寡教諸子有法宗族稱之
公之沒今三十餘年矣諸子皆達官能世其家九
京之下夫豈無知哉公歿時穉年纔十三誰謂十

三歲之童子當秉公幽堂之筆乎嗚呼是皆可以感矣公之諸子皆與穡善來徵銘故敘其家世歷官而書子孫長男曰鏞宣授宣武將軍合浦鎮邊萬戶府萬戶重大匡玄城君次曰鉉宣授王府斷事官奉翊大夫版圖判書上護軍次曰鎬奉翊大夫典法判書上護軍次曰鈞宣授奉議大夫隆祥提點所提點奉翊大夫典工判書上護軍次曰鑄中正大夫三司左尹進賢館直提學知製教長女壽妃也次適元朝翰林學士承旨榮祿大夫普達實理次適奉翊大夫判典儀寺事吳仲和次適中

正大夫典儀令寶文閣直提學知製教廉國寶次適宣授征東行中書省都鎮撫司都鎮撫忠勤贊化功臣匡靖大夫政堂文學進賢館大提學知春秋館事上護軍元松壽孫男女若干人玄城君生二男四女長曰濬行首別將次曰演散負女適別將閔公亮次適中郎將宋仁壽次在室斷事官生一男五女男曰壽安成均學生女適都祭庫判官金穉次適寶馬陪行首別將朴子安次適別將金乙富餘皆幼判書生三男二女長曰澄行首郎將次曰漣成均進士次曰湛典寶都監錄事女適左

右衛錄事洪希忠次適別將韓休提點生一男二
女男曰弘成均學生女皆幼左尹生二男一女長
曰堯次曰埴皆幼女幼外孫若干人承旨生一男
一女男曰拾得驢女幼吳氏一男四女男曰齊甫
興福都監錄事女皆幼廉氏二男一女長曰致中
穆陵直次曰致和昌陵直女幼元氏二男長曰序
幘頭店錄事次曰庠寫經院判官葬在開城縣大
平院之西原銘曰
既孝于親而信於人位又封君顯矣其身天子曰
吁錫之虎符善繼家門光溢海隅多男而壽世則
名不磨有荒丘壠

多有獨憚於公誰其掣肘惟時之寵匪賢不重公
名不磨有荒丘壠

東文選卷之一百二十六



Vertical text on the right edge of the book, likely a title or page number, written in a traditional Japanese style. The text is dark and appears to be a series of characters, possibly a date or a specific reference.

